

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članovima 29. i 46. Zakona o izvršavanju Budžeta Zeničko-dobojskog kantona za 2023. godinu, („Službene novine Zeničko-dobojskog kantona“, broj: 3/23), na prijedlog Ministarstva za privredu, Vlada Zeničko-dobojskog kantona, na 21. sjednici, održanoj dana 26.05.2023. godine, d o n o s i

ZAKLJUČAK
o usvajanju Programa utroška budžetskih
sredstava Ministarstva za privredu u 2023. godini
(Kapitalni transferi drugim nivoima vlasti - za poslovne zone)

I.

Usvaja se Program utroška budžetskih sredstava Ministarstva za privredu u 2023. godini - (Kapitalni transferi drugim nivoima vlasti - za poslovne zone) u iznosu 1.500.000,00 KM (slovima: jedanmilijonipetstotinahiljada konvertibilnih maraka), koji čini sastavni dio ovog zaključka.

II.

Sredstva planirana ovim Programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Kantona u prethodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

III.

Zaključak stupa na snagu danom donošenja.

PREMIJER

Amra Mehmedić

Broj: 02-_____/23
Datum, 26.05.2023. godine
Z e n i c a

DOSTAVLJENO:

1x Ministarstvo za privredu,
1x Ministarstvo finansija,
1x a/a.

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
MINISTARSTVO ZA
PRIVREDU I GOSPODARSTVO



Bosnia and Herzegovina
Federation of Bosnia and Herzegovina
ZENICA-DOBOJ CANTON
MINISTRY OF ECONOMY

PROGRAM
UTROŠKA BUDŽETSKIH SREDSTAVA
MINISTARSTVA ZA PRIVREDU U 2023. GODINI
(Kapitalni transferi drugim nivoima vlasti- za poslovne zone)

Zenica, maj 2023. godine

1. NAZIV PROGRAMA

Program utroška budžetskih sredstava Ministarstva za privredu u 2023. godini planiranih na razdjelu Ministarstva za privredu u Budžetu Zeničko-dobojskog kantona za 2023. godinu ("Službene novine Zeničko-dobojskog kantona", broj: 3/23) na ekonomskom kodu 615100 (IAX008)- Kapitalni transferi drugim nivoima vlasti- za poslovne zone.

2. ZAKONSKI OSNOV ZA DONOŠENJE PROGRAMA UTROŠKA BUDŽETSKIH SREDSTAVA MINISTARSTVA ZA PRIVREDU U 2023. GODINI

Izrada Programa utroška budžetskih sredstava Ministarstva za privredu u 2023. godini (Kapitalni transferi drugim nivoima vlasti- za poslovne zone) propisana je članovima 29. stav 2. i 46. Zakona o izvršavanju Budžeta Zeničko-dobojskog kantona za 2023. godinu ("Službene novine Zeničko-dobojskog kantona", broj: 3/23).

3. SVRHA PROGRAMA I VISINA SREDSTAVA

Svrha Programa je korištenje finansijskih sredstava odobrenih Budžetom Zeničko-dobojskog kantona za 2023. godinu, („Službene novine Zeničko-dobojskog kantona“, broj: 3/23) u iznosu **1.500.000,00 KM** (slovima: jedanmilijonpetstotinahiljada konvertibilnih maraka).

Ovaj program usaglašen je sa Strategijom razvoja Zeničko-dobojskog kantona za period 2021.-2027. godina, te sa nadležnostima Ministarstva za privredu.

4. IZVORI FINANSIRANJA

Izvori finansijskih sredstava su sredstva odobrena Budžetom Zeničko-dobojskog kantona za 2023. godinu, („Službene novine Zeničko-dobojskog kantona“, broj: 3/23) na ekonomskom kodu 615100 (IAX008)- Kapitalni transferi drugim nivoima vlasti- za poslovne zone.

5. NAČIN REALIZACIJE

Imajući u vidu raspoloživa sredstva iz tačke 3. ovog Programa, Ministarstvo za privredu planiralo je utrošak finansijskih sredstava na slijedeći način:

5.1. Sufinansiranje izgradnje komunalne infrastrukture unutar novoosnovanih industrijskih/poslovnih zona

Iznos: 1.500.000,00 KM

Svrha: U proteklim godinama, Ministarstvo je, shodno javnim pozivima, sufinansiralo jedinicama lokalne samouprave izradu projektne dokumentacije za poslovne zone, izgradnju komunalne infrastrukture unutar poslovnih zona koje su u pravilu u većem dijelu već imale izgrađenu komunalnu infrastrukturu, kao i otkup zemljišta u svrhu osnivanja/proširenja poslovnih zona na području Zeničko-dobojskog kantona. Shodno zaprimljenim odgovorima od jedinica lokalne samouprave u kojima su iznijele svoje planove za ulaganja u poslovne zone, a u skladu sa mjerom 1.4.2. Razvoj preduzetničke infrastrukture i usluga za podršku privrednicima iz Strategije razvoja Zeničko-dobojskog kantona za period 2021.-2027. godina, potrebna su znatna finansijska sredstva za izgradnju komunalne infrastrukture unutar novoosnovanih poslovnih zona za koje nisu uložena nikakva finansijska sredstva u njihovo opremanje (izrada projektne dokumentacije,

izgradnja komunalne infrastrukture, otkup zemljišta u svrhu osnivanja/proširenja poslovnih zona i dr.), te je stoga Ministarstvo planiralo ova budžetska sredstva utrošiti za sufinansiranje izgradnje komunalne infrastrukture unutar novoosnovanih poslovnih zona na području Zeničko-dobojskog kantona u koje nisu ulagana nikakva finansijska sredstva u njihovo opremanje.

Organizacija – primalac: Općine/Gradovi (JLS) Zeničko-dobojskog kantona

Kriterij: Ministarstvo će raspisati javni poziv za dodjelu sredstava u skladu sa Uputstvom o postupcima i kriterijima za odobravanje i dodjelu sredstava poticaja namijenjenih subvencioniranju troškova organizacije i izgradnje poslovnih zona na području Zeničko-dobojskog kantona- (Kapitalni transferi drugim nivoima vlasti- za poslovne zone) na koje Vlada Zeničko-dobojskog kantona daje saglasnost, članom 29. stav (2) Zakona o izvršavanju Budžeta Zeničko-dobojskog kantona za 2023. godinu, koristeći Smjernice o minimalnim standardima dodjele budžetskih sredstava putem transfera i subvencija („Službene novine Federacije BiH”, broj: 15/18), u mjeri u kojoj je primjenjivo, kako je utvrđeno članom 47. Zakona o izvršavanju Budžeta Zeničko-dobojskog kantona. Javni poziv, će u skladu sa Uputstvom o postupcima i kriterijima za odobravanje i dodjelu sredstava poticaja namijenjenih subvencioniranju troškova organizacije i izgradnje poslovnih zona na području Zeničko-dobojskog kantona- (Kapitalni transferi drugim nivoima vlasti- za poslovne zone), tačkom 23.c. Smjernica o minimalnim standardima dodjele budžetskih sredstava putem transfera i subvencija, sadržavati pisane kriterije na osnovu kojih će se izvršiti dodjela sredstava, sve u cilju efikasne, ekonomične i efektivne upotrebe budžetskih sredstava.

Realizacija ciljeva: Realizovati projekte sufinansiranja izgradnje komunalne infrastrukture unutar novoosnovanih poslovnih zona na području Zeničko-dobojskog kantona u koje nisu ulagana nikakva finansijska sredstva.

6. REKAPITULACIJA

R.br.	Naziv	Planirana sredstva /KM/
1.	Sufinansiranje izgradnje komunalne infrastrukture unutar novoosnovanih industrijskih/poslovnih zona	1.500.000,00
UKUPNO		1.500.000,00

PREMIJER

Broj: 02- /23
Datum, 26.05.2023. godine
Z e n i c a

Amra Mehmedić

DOSTAVLJENO:

1x Ministarstvo za privredu,
1x Ministarstvo finansija,
1x a/a.